

ասէ . զի՞ պիտոյ են այդպիսի բանք 'ի ժողովի աստ : Ոստիկանն , երկու Դատաւորք այնքան կուռեցան և անարգեցին զմիմեանս 'ի ժողովի աստ , չիշխեցեր ասել թէ անվայել է , այժմ այս . . . վատ ասելն անվայել էր . ահա յայտնեցաւ թէ դու եւս 'ի կողմն Յունաց ես , սակայն 'ի վաղիւ պահանջեմ 'ի քէն զդոսա տանել 'ի Դամասկոս . և բարկութեամբ մեկնեցաւ 'ի ժողովոյն , եւ ցրուեցաւ ժողովն լի խռովութեամբ :

Գ Լ Ո Ի Խ Ի Թ .

Պահանջ Հայոց : Անպիտոնութիւն Դատաւորին : Գանկատ Յունաց առ Կուսակալն : Նշնպէս Ոստիկանին զողզէն Յունաց : Յատուութիւն Դատաւորին չկատարել զգործս Հայոց : Ծանր պահանջ նորին : Ժողով 'ի Ս . Յարութիւն : Քննութիւն տեղւոյն Յովսէփայ Արեւսթացւոյն :

ԻԲԻՐԵԻ ցրուեցաւ ժողովն և դնաց իւրաքանչիւր 'ի տեղի իւր , մատուցեալ մի ոմն 'ի բարեկամաց Դատաւորին մեղադրէր զնա առանձինն և ասէր . զի՞նչ գործեցեր այր դու , եթէ յառաջագոյն մի կամ երկու ունէիր թըշնամիս , այժմ բազում եղեն՝ գուցէ միաբանեալ խորհեցին չարիս զքէն եւ անկանիցիս 'ի վտանգ մեծ . և նորա վարանեալ 'ի միտս իւր ասէր , որպէս յառաջագոյն դանկատանօք ատացեալ էր Հայոց . թէ նուրի էֆէնտի է այր խորամանկ , զի եթէ արարից ըստ հայցուածոցն Հայոց , նշանակէ զիս 'ի Կոստանդինուպօլիս Ինքիլ կոչելով , և առաջի պաշտօնէից Տէրութեան կաշառակուր . և տագնապեալ 'ի միտս իւր , կոչեաց առ ինքն զՔաղաքապետն եւ առաքեաց առ գործակալս լինիլ միջնորդ հաշտութեան . եւ նոցա ժողովեալ 'ի միասին առաքեցին առ նա զըպրապետն դատարանի , և խնդրեցին զիր 'ի նմանէ սահս կատարելոյ զամենայն ինչ ըստ հրամանի Արքային . և նա խոստացաւ բանիւ միայն կատարել որպէս հրամայենն . եւ զըպրապետն դարձ արարեալ անտի պատմեաց նոցա , ապա ազդ արարին Հայոց երթալ առ նա առանձին եւ շահիլ :